

¡BOMBA!

Resultan medidas crueles
a quien compre a Venezuela;
mas don Trump, ya ni la amuela,
¡sólo piensa en aranceles!



K'untzil

Martes 25 de marzo de 2025

CAMPECHE · YUCATÁN · QUINTANA ROO · AÑO 10 · NÚMERO 2444 · www.lajornadamaya.mx



Palestinoil tu náajaltaj Oscare' loobilta'ab tumen israelil máako'ob

Ts'íib yéetel oochel Ap / 22

Le lunes máanika', loobilta'ab juntúul ti' le palestinoil máak jo'olbes cha'an *No other land*, chíimpol'ta'ab yéetel Oscar, tu lu'umil Cisjordania, ma'ili' ma'achak tumen israelí ejército, beey a'alab tumen juntúul u yéet meyaj yéetel uláak' máako'ob il ba'ax úuchij.

Israelí ejércitoe' tu ya'alaj táan u xak'altik ba'ax úuchij, ba'ale' ma' tu ya'alaj uláak' ba'alo'obi'.

Jbeet cha'an Hamdan Ballal juntúul ti' le óoxtúul palestinoil macha'ab tu kaajil Susiya, tu ya'alaj x-abogada Leah Tsemmeel. Jkanan kaaje' tu ya'alaj k'ala'abo'ob ti' jump'éeel base militar ti'al u ts'a'akalo'ob, ba'ale' x-abogadae' tu ya'alaj ma' béeyak u t'aan yéetelo'obi'.

Basel Adra, uláak' juntúul máax jo'olbes meyaj, tu yilaj le ba'ax úucho', ts'o'oke' tu ya'alaje' kex 24 u

túul colonos -yaane' u pixmaj u yich, yaane' u ch'a'amaj u ts'o'on, yéetel u jeelo'obe' yéetel israelil nook'o'ob-tu beetajo'ob loob te'el kaajo'. Soldados k'ucho'obe' tu ts'onajo'ob palestinoilo'ob, ka'alikil colonoilo'obe' ch'iinajo'ob yéetel tuunich.

"Desde ka'aj suunajo'on te'el Oscaro' yanchaj ataques tak wóok'ol saansamal", tu ya'alaj Adra ti' The Associated Press. "Míin beey u sutiko'ob to'on

k'aas yóok'olal cha'an tak beetaj. K-u'uyik beet castigo kti'al".

No Other Land, chíimpol'ta'ab yéetel Oscar te'el ja'aba', ku chíikbeesik bix u péek kaaj tu baantail Masafer Yatta ti'al ma' u k'askúunta'al u kaajalo'obi'. Ballal yéetel Adrae', tu ka'atúulal ti' u kaajil Masafer Yattae', tu múul beeto'ob cha'an palestinoil-israelil yéetel jo'olbesaj cha'ano'ob israelil Yuval Abraham yéetel Rachel Szor.